



ქალაქ ფოთის მუნიციპალიტეტის საკრებულო



განკარგულება N 15/58

2019 წლის 30 ივნისი

ქალაქი ფოთი

ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის უფროსის ანგარიში გაწეული მუშაობის შესახებ

ქალაქ ფოთის მუნიციპალიტეტი აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის პირველი პუნქტის „გ.ა“ ქვეპუნქტის შესაბამისად, საკრებულოს განსაკუთრებულ უფლებამოსილებას განეკუთვნება მუნიციპალიტეტის აღმასრულებელი ორგანოების და თანამდებობის პირების საქმიანობის კონტროლი, მათი ანგარიშების მოსმენა და შეფასება.

აღნიშნულიდან გამომდინარე:

მუხლი1.

1.ცნობად იქნეს მიღებული ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის უფროსის ანგარიში გაწეული მუშაობის შესახებ (ანგარიში თან ერთვის).

2.ქალაქ ფოთის მუნიციპალიტეტის მიერ დაფუძნებული ჯანმრთელობისა და სოციალური დაცვის სფეროს იურიდიული პირების ურთიერთკოორდინირებული და ეფექტური საქმიანობის მიზნით, დაევალოს ქალაქ ფოთის მუნიციპალიტეტის მერს მოქმედი კანონმდებლობის შესაბამისად, ცვლილებები შეიტანოს ზემოხსენებული იურიდიული პირების წესდებებში და ქალაქ ფოთის მუნიციპალიტეტის საკრებულოს წარმოუდგინოს დადგენილების პროექტი „ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის დებულებაში ცვლილებების შეტანის თაობაზე, რომლითაც სამსახური განახორციელებს მუნიციპალიტეტის მიერ დაფუძნებული ჯანმრთელობისა და სოციალური დაცვის სფეროს იურიდიული პირების ზედამხედველობას და საქმიანობის კოორდინაციას.

მუხლი2. საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული

განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი, ქალაქი ფოთის მუნიციპალიტეტი, დავით აღმაშენებლის ქუჩა №3).

მუხლივ. განკარგულება ძალაშია ხელმოწერისთანავე.

საკრებულოს თავმჯდომარე



ირაკლი კაკულია

ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის ანგარიში, 2018 წელს და 2019 წლის 6 თვეში გაწეული მუშაობის შესახებ

მოსახლეობის ჯანმრთელობის და სოციალური დაცვა ქალაქის ერთ-ერთი პრიორიტეტია. მუნიციპალიტეტი არსებული რესურსების პირობებში განაგრძობს მოსახლეობის სხვადასხვა დახმარებებით და შეღავათებით უზრუნველყოფას.

ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახური (შემდგომში ჯანდაცვის სამსახური) საქმიანობს მუნიციპალიტეტის საკუთარი და დელეგირებული უფლებამოსილების ფარგლებში. ამ უფლებამოსილებათა შესასრულებლად სამსახურმა განახორციელა: 2018 წელს 20 პროგრამა, 2019 წელს ხორციელდება 20 პროგრამა.

2018 წელს, მოსახლეობის ჯანმრთელობის დაცვისა და სოციალური უზრუნველყოფის მიზნით ბიუჯეტში გათვალისწინებულ იქნა 1 754 200 ლარი, ხოლო 2019 წელს დაიგეგმა 1 831 000 ლარი, ზრდა 76 800 ლარი. აღსანიშნავია, რომ მზარდი ტენდენციაა.

ჯანმრთელობისა და სოციალური დაცვის სამსახურში მოქმედებს სამი სტრუქტურული ქვედანაყოფი:

1. ჯანმრთელობის დაცვის განყოფილება;
2. სოციალური დაცვისა და გენდერული თანასწორობის განყოფილება;
3. დენილთა განყოფილება. ისინი თავიანთი კომპეტენციის ფარგლებში უზრუნველყოფენ პროგრამათა ეფექტურ განხორციელებას.

ასევე სამსახურთან კოორდინაციით საქმიანობს, მუნიციპალიტეტის მიერ დაფუძნებული იურიდიული პირები:

1. ა(ა)იპ „თვითმმართველი ქალაქ ფოთის საზოგადოებრივი ჯანდაცვის ცენტრი“;
2. ა(ა)იპ თვითმმართველი ქალაქის - ფოთის ბავშვთა ცენტრი;
3. შპს ფოთიქალაქტრანსპორტი;
4. ა(ა)იპ ქალაქ ფოთის მუნიციპალიტეტის სოციალური და სამედიცინო რეაბილიტაციის ცენტრი;
5. ა(ა)იპ ქალაქ ფოთის მუნიციპალიტეტის სოციალური კვლევის ცენტრი.

ჯანმრთელობის დაცვის განყოფილება.

ჯანმრთელობის დაცვის განყოფილება (შემდგომში ჯანდაცვის განყოფილება) კოორდინაციას უწევს ჯანდაცვის პროგრამების განხორციელებას, როგორც მუნიციპალიტეტის საკუთარი უფლებამოსილების ფარგლებში, ასევე მუნიციპალიტეტის დელეგირებულ უფლებამოსილებას საზოგადოებრივი ჯანდაცვის მომსახურების მიმართულებით.

2018 წელს, ჯანდაცვის პროგრამების ჯამურმა ბიუჯეტმა შეადგინა 608 600 ლარი, ხოლო 2019 წელს განისაზღვრა 610,0 ათ. ლარით.

ჯანდაცვის განყოფილება კოორდინაციას უწევს შემდეგი 7 პროგრამის განხორციელებას.

1. საზოგადოებრივი ჯანდაცვის მომსახურება (კოდი 06 01).

საზოგადოებრივი ჯანდაცვის პროგრამები: ქალაქ ფოთის საზოგადოებრივი ჯანდაცვის ცენტრის მიერ 2018 წელში განხორციელებული სავალდებულო ღონისძიებები მოიცავს: გადამდებ დაავადებათა ეპიდზედამხედველობის და კონტროლის ღონისძიებებს, ადამიანის ჯანმრთელობისათვის უსაფრთხო გარემოს ჩამოყალიბებისათვის ხელშეწყობა, ანტირაბიული, მალარიის წინააღმდეგ ბრძოლის პროპაგანდა, მუშაობა მიზნობრივ ჯგუფებთან მოსახლეობაში პროფილაქტიკურ-საგანმანათლებლო სამუშაოების წარმოება.

ტუბერკულოზის, აივ/ინფექცია შიდსის, C ჰეპატიტიზე ინტეგრირებული სკრინინგის საპილოტე პროგრამის განხორციელებას.

2018 წლის ბიუჯეტით განისაზღვრა 160 000 ლარით, ხოლო 2019 წლის ბიუჯეტით განსაზღვრულია 160 000 ლარი.

პროგრამას ახორციელებს: ა(ა)იპ „თვითმმართველი ქალაქ ფოთის საზოგადოებრივი ჯანდაცვის ცენტრი“.

2. მოსახლეობის სტაციონარული მკურნალობის პროგრამა (06 02 01).

პროგრამა ითვალისწინებს ქალაქ ფოთის მუნიციპალიტეტში მცხოვრები და სოციალურად დაუცველი მოსახლეობის ჯანმრთელობის დაცვის სერვისების ხელმისაწვდომობას, სხვადასხვა დაავადებების მკურნალობის ხარჯების დაფინანსებას, მათ შორის პაციენტთა ოპერაციებსა და გამოკვლევებს. პროგრამის ფარგლებში დაფინანსდა, როგორც სტაციონარული, ასევე ამბულატორიული მკურნალობა, სხვადასხვა სახის ქირურგიული ოპერაციები, ლაბორატორიული და თანამედროვე ტექნოლოგიების ინსტრუმენტალური გამოკვლევები, ქიმიო და რადიოთერაპია, C ჰეპატიტის ელიმინაციის სახელმწიფო პროგრამით მოსარგებლების გამოკვლევები და სხვა.

2018 წლის ბიუჯეტი განისაზღვრა 260 000 ლარით, რასაც ქალაქ ფოთის მუნიციპალიტეტის საკრებულოს გადაწყვეტილებით, დეკემბრის თვეში დაემატა 10 000 ლარი. დახმარება გაეწია 725 მოქალაქეს, თანხით 270 000 ლარი. ხოლო რაც შეეხება 2019 წლის ბიუჯეტს, ის განისაზღვრა 260 000 ლარით. ექვსი თვის განმავლობაში სოციალურად დაუცველ 48 მოქალაქეს (100 000-მდე სარეიტინგო ქულის მქონე) მკურნალობისათვის საჭირო თანხა დაუფინანსდათ 100%-მდე (ლიმიტი 1000 ლარი), თანხით 22 374 ლარი.

100 000-ზე მეტი სარეიტინგო ქულის მქონე და სოციალურად დაუცველი ოჯახების ერთიან მონაცემთა ბაზაში დაურეგისტრირებელ 307 მოქალაქეს 50%-მდე (ლიმიტი 1000 ლარი), თანხით 116 536 ლარი. 2019 წლის 6 თვეში დახმარება გაეწია 355 მოქალაქეს, თანხით 138 910 ლარი.

პროგრამას ახორციელებს ჯანმრთელობის დაცვის განყოფილება.

3. მოსახლეობის მედიკამენტებით უზრუნველყოფის პროგრამა (06 02 02).

პროგრამა მოიცავს მოსახლეობის ჯანმრთელობისათვის საჭირო მედიკამენტებით უზრუნველყოფას. 2018 წელს, ბიუჯეტი განისაზღვრა 80 000 ლარით, მათ შორის:

ა) ერთჯერადი 70 ლარიანი დახმარება - 60 000 ლარი;

ბ) განსაკუთრებული საჭიროების მქონე პაციენტთათვის ძვირადღირებული მედიკამენტებით დახმარება - 20 000 ლარი.

ქალაქ ფოთის მუნიციპალიტეტის საკრებულოს გადაწყვეტილებით, დეკემბრის თვეში აღნიშნულ თანხას დაემატა 5 000 ლარი, მათ სორის:

ა) ერთჯერადი 70 ლარიანი დახმარების პროგრამის ფარგლებში დახმარება გაეწია სხვადასხვა მწვავე და ქრონიკული დაავადების მქონე 908 ბენეფიციარს: შშმ პირებს, ბავშვებს, პენსიონერებს, შეჭირვებულ მოსახლეობას, მათთვის საჭირო და აუცილებელი მედიკამენტების შესაძენად, თანხით 63 000 ლარი;

ბ) განსაკუთრებული საჭიროების მქონე პაციენტთათვის ძვირადღირებული მედიკამენტებით დახმარების პროგრამის ფარგლებში დახმარება გაეწია ონკოლოგიური დაავადების მქონე 29 ბენეფიციარს, ჰორმონული და ქიმიოთერაპიისათვის საჭირო ძვირადღირებული მედიკამენტების შესაძენად, თანხით - 22 000 ლარი.

2018 წელს, პროგრამის ფარგლებში დახმარება გაეწია 937 მოქალაქეს - თანხით 85 000 ლარით.

2019 წელს, ბიუჯეტი განისაზღვრა 100 000 ლარით, მათ სორის:

ა) ერთჯერადი 70 ლარიანი დახმარება - 60 000 ლარი;

ბ) განსაკუთრებული საჭიროების მქონე პაციენტთათვის ძვირადღირებული მედიკამენტებით დახმარება - 40 000 ლარი.

2019 წლის იანვრიდან ივნისის თვის ჩათვლით:

ა) ერთჯერადი 70 ლარიანი დახმარების პროგრამის ფარგლებში დახმარება გაეწია სხვადასხვა მწვავე და ქრონიკული დაავადების მქონე 455 ბენეფიციარს, მათ შორის: შშმ პირებს, ბავშვებს, პენსიონერებს, შეჭირვებულ მოსახლეობას მათთვის საჭირო და აუცილებელი მედიკამენტების შესაძენად. გახარჯულია 31 780 ლარი;

ბ) განსაკუთრებული საჭიროების მქონე პაციენტთათვის ძვირადღირებული მედიკამენტებით დახმარების პროგრამის ფარგლებში დახმარება გაეწია ონკოლოგიური დაავადების მქონე 22 ბენეფიციარს, სიმსივნის საწინააღმდეგო ჰორმონული, ქიმიო და ტარგეტული თერაპიის ჩასატარებლად საჭირო ძვირადღირებული მედიკამენტების შესაძენად. გახარჯულია 13 419 ლარი. 2019 წლის 6 თვის მონაცემებით სულ პროგრამის ფარგლებში დახმარება გაეწია 477 მოქალაქეს - თანხით 63 560 ლარი.

2018 წლის ბიუჯეტით ფაქტობრივი შესრულება 85 000 ლარი.

2019 წლის ბიუჯეტით განსაზღვრულია 100 000 ლარი.

პროგრამას ახორციელებს ჯანმრთელობის დაცვის განყოფილება.

4. გინეკოლოგიურ გამოკვლევათა გამოვლენა და პროფილაქტიკა (06 02 04).

პროგრამა უზრუნველყოფს ქალაქ ფოთის მოსახლეობისათვის მაღალკვალიფიციური, მაღალპროფესიული თანამედროვე დონის სამედიცინო დახმარების გაწევას. პროგრამის მიზანია გინეკოლოგიურ დაავადებათა ადრე გამოვლენისა და გავრცელების პრევენციის უზრუნველყოფა, კიბოს დაავადების ადრეული გამოვლინების მიზნით გამოკვლევების ჩატარება.

2018 წელს, ბიუჯეტი განისაზღვრა 9 600 ლარით, დახმარება გაეწია 300 მოქალაქეს.

2019 წელს, ბიუჯეტი განისაზღვრა 9 600 ლარით. 6 თვის მონაცემებით სულ პროგრამის ფარგლებში დახმარება გაეწია 140 მოქალაქეს, თანხით 3 955 ლარი.

პროგრამას ახორციელებს: შპს „MMS“.

5. სასმელი, სარეკრეაციო და ჩამდინარე წყლების სანიტარულ-ბაქტერიოლოგიური და სანიტარულ ქიმიური გამოკვლევა (06 02 05).

პროგრამის ფარგლებში ხორციელდება სასმელი, სარეკრეაციო და საბანაო წყლის ხარისხის სისტემატიური ლაბორატორიული კვლევა.

მოსახლეობის წყლისმიერი ეპიდაფეთქების თავიდან ასაცილებლად, 2018 წლის ბიუჯეტით პროგრამა განისაზღვრა 34 000 ლარით, 2019 წელს 40 000 ლარით.

2018 წლის ბიუჯეტით ფაქტობრივად შესრულდა 312 ანალიზი, 31 584 ლარის ღირებულებით. 2019 წლის ბიუჯეტით განსაზღვრულია 40 000 ლარი. 2019 წლის 6 თვეში შესრულდა 116 ანალიზი.

პროგრამას ახორციელებს შპს „ლაბორატორიული კვლევის ცენტრი“.

6. შეზღუდული შესაძლებლობების მქონე ბავშვთა რეაბილიტაციის დაფინანსება (06 02 06).

პროგრამა ამოქმედდა 2018 წლიდან, იმ პერიოდისათვის მოიცავდა 17 წლამდე ასაკის შშმ ბავშვების ფსიქოსომატური რეაბილიტაციის დაფინანსებას და 2018 წლის ადგილობრივი ბიუჯეტით განისაზღვრა 20 000 ლარით. აუტისტური სპექტრის აშლილობის, დაუნის სინდრომის, ბავშვთა ცერებრალური დამბლისა და სხვა დაავადების მქონე შეზღუდული შესაძლებლობების ბავშვები საჭიროებენ რეაბილიტაციის ხანგრძლივ და უწყვეტ პროცესს, რაც ნებისმიერი ოჯახისთვის წარმოადგენს დიდ მორალურ და ფინანსურ პასუხისმგებლობას. აღნიშნულ წელს პროგრამა ითვალისწინებდა რეაბილიტაციის კურსის დაფინანსებას თითოეული ბენეფიციარისთვის არაუმეტეს 500 ლარით წელიწადში ერთჯერ. დახმარება გაეწია 31 არასრულწლოვან ბენეფიციარს, თანხით 15 500 ლარი.

2019 წელს, აღნიშნული პროგრამა ბიუჯეტით განისაზღვრა 37 000 ლარით და ითვალისწინებს 18 წლამდე ასაკის პირთა დახმარებას. აუტიზმის მქონე ბავშვთა რეაბილიტაციის კურსის დაფინანსებას 1000 ლარით, ხოლო შშმ ბავშვების რეაბილიტაციის დაფინანსებას 500 ლარით წელიწადში ერთჯერ.

2019 წლის 6 თვის მონაცემებით, დახმარება გაეწია აუტიზმის მქონე 8 არასრულწლოვან ბენეფიციარს, თანხით 7950 ლარი და 18 არასრულწლოვან შშმ პირს, თანხით 8800 ლარი. სულ, პროგრამის ფარგლებში დახმარება გაეწია 26 არასრულწლოვან ბენეფიციარს თანხით 16 750 ლარი. პროგრამას ახორციელებს ჯანმრთელობის დაცვის განყოფილება.

7. ფენილკეტონურიით დაავადებულთა (18 წლამდე ასაკის) კვებითი დანამატებით უზრუნველყოფის პროგრამა (06 02 07).

პროგრამა ამოქმედდა 2019 წლიდან და ითვალისწინებს ფენილკეტონურიით დაავადებულ პირთა კვებითი დანამატებით უზრუნველყოფის მიზნით ბენეფიციარების დაფინანსებას, წელიწადში ერთჯერ, არაუმეტეს 1000 ლარით.

2019 წლის ბიუჯეტით პროგრამის დაფინანსება განისაზღვრა 3000 ლარით. 6 თვის მდგომარეობით დახმარება გაეწია 2 არასრულწლოვან ბენეფიციარს, თანხით 2000 ლარი.

სოციალური დაცვისა და გენდერული თანასწორობის განყოფილება.

სოციალური დაცვისა და გენდერული თანასწორობის განყოფილება არსებული რესურსების ფარგლებში ახორციელებს სოციალურად დაუცველი მოსახლეობის სხვადასხვა დახმარებებითა და შეღავათებით უზრუნველყოფას. სოციალური დაცვის უმნიშვნელოვანესი კომპონენტია სოციალური დახმარება, როგორც ფულადი, ასევე სხვადასხვა სოციალური შეღავათების დაწესების გზით, რაც გააუმჯობესებს შეჭირვებული მოსახლეობის სოციალურ და მატერიალურ მდგომარეობას. ასევე მნიშვნელოვანია ბიუჯეტირების პროცესში გენდერული კომპონენტის გათვალისწინება, რათა მაქსიმალურად დაბალანსებული და მოსახლეობის ყველა ფენისთვის მისაღები ბიუჯეტი მივიღოთ.

2018 წელს, მოსახლეობის სოციალური უზრუნველყოფის მიმართულებით, სხვადასხვა შემწეობების, დახმარებებისა და სერვისებისათვის გამოყოფილი იქნა 547,9 ლარი.

2019 წელს სოციალური უზრუნველყოფის სხვადასხვა პროგრამების განსახორციელებლად ადგილობრივ ბიუჯეტში გამოყოფილია 572.7 ათ. ლარი. 2019 წლის 6 თვეში გახარჯულია 245,9 ლარი.

სოციალური დაცვისა და გენდერული თანასწორობის განყოფილება კოორდინაციას უწევს შემდეგი 13 პროგრამის განხორციელებას:

1. სარიტუალო მომსახურება (06 03 01).

პროგრამა ითვალისწინებს სოციალურად დაუცველი პიროვნების გარდაცვალების შემთხვევაში სარიტუალო წესების მოგვარებას, რაც გამოიხატება გარდაცვლილისათვის ჩასასვენებელი სასახლის დამზადებაში. „სამშობლოს დაცვისას დაღუპულთა და ომის შემდეგ გარდაცვლილ მეომართა ხსოვნის უკვდავსაყოფად“ კანონის შესაბამისად, გარდაცვლილის ოჯახისათვის გათვალისწინებულია მატერიალური დახმარება 300 ლარის ოდენობით.

2018 წელს ბიუჯეტით გათვალისწინებული იყო 35.5 ათ. ლარი. დაკმაყოფილდა 128 შემთხვევა.

2018 წლის ბიუჯეტით ფაქტობრივი შესრულება 30.5 ათ. ლარი.

2019 წლის ბიუჯეტით განსაზღვრულია 40.0 ათ. ლარი. 2019 წლის 6 თვეში, დახმარება გაეწია 48 ოჯახს, გახარჯულია 10.5 ათ. ლარი.

პროგრამას ახორციელებს სოციალური დაცვისა და გენდერული თანასწორობის განყოფილება.

2. მარტოხელა დედათა დახმარება (06 03 02).

პროგრამა ითვალისწინებს მარტოხელა დედათა ყოველთვიურ დახმარებას.

ვინაიდან სოციალური გამოკითხვები ცხადყოფენ, რომ მარტოხელა დედების დიდი ნაწილი იმყოფება მძიმე სოციალურ-ეკონომიკურ პირობებში, რომლებიც უმუშევრობისა და შემოსავლების უქონლობის გამო ვერ აგვარებენ ბავშვებთან დაკავშირებულ პრობლემებს, მათთვის ყოველთვიური მატერიალური დახმარება წარმოადგენს გარკვეულ შეღავათს. 2018 წლის ადგილობრივი ბიუჯეტით გამოყოფილი იყო 56.6 ათ. ლარი და დაკმაყოფილდა 103 ოჯახი.

2018 წლის ბიუჯეტით ფაქტობრივი შესრულება იყო 56.5 ლარი.

2019 წლის ბიუჯეტით განსაზღვრულია 58.0 ათ. ლარი. 2019 წლის 6 თვეში გახარჯულია 29,5 ათ. ლარი. დახმარება გაეწია 104 მარტოხელა მშობელს.

პროგრამას ახორციელებს სოციალური დაცვისა და გენდერული თანასწორობის განყოფილება.

3. ა(ა)იპ თვითმმართველი ქალაქის - ფოთის ბავშვთა ცენტრი (06 03 03 01).

პროგრამის ფარგლებში მშობელთა მზრუნველობას მოკლებული 10 მოზარდი ცხოვრობს საოჯახო ტიპის თავშესაფარში, სადაც ისინი უზრუნველყოფილები არიან კვებით, ბავშვთა დასვენება გაჯანსაღებით.

2018 წლის ბიუჯეტით ფაქტობრივი შესრულება 95 800 ლარი.

2019 წლის ბიუჯეტით განსაზღვრულია 91 500 ლარი.

პროგრამას ახორციელებს ა(ა)იპ თვითმმართველი ქალაქის ფოთის ბავშვთა ცენტრი.

4. 2008 წლის 8 აგვისტოს მოვლენების დროს რუსეთის აგრესიის შედეგად დაღუპულთა ოჯახები მატერიალური დახმარება (06 03 03 03).

პროგრამა ითვალისწინებს ომში დაღუპულთა ოჯახებისათვის მორალურ და მატერიალურ მხარდაჭერას, კერძოდ:

ა) რუსეთის მიერ განხორციელებული აგრესიის შედეგად გარდაცვლილი 11 მოქალაქე ოჯახისათვის, წელიწადში ერთჯერ გამოიყო დახმარება 500 ლარის ოდენობით;

ბ) რუსეთის მიერ განხორციელებული აგრესიის შედეგად გარდაცვლილი 4 მშვიდობიან მოქალაქის ოჯახისთვის, რომლებიც სამსახურებრივი მოვალეობის შესრულების დროს დაიღუპნენ ყოველთვიურად გამოიყო დახმარება 150 ლარის ოდენობით.

2018 წლის ბიუჯეტით ფაქტობრივი შესრულება 12.7 ათ. ლარი.

2019 წლის ბიუჯეტით განსაზღვრულია 15.5 ათ ლარი, ხოლო 6 თვეში გახარჯულია 4.8 ათ. ლარი.

აღსანიშნავია, რომ 2019 წელს, გაიზარდა ომში დაღუპულთა ოჯახებისათვის ყოველთვიურ მატერიალური დახმარება 50 ლარით და იგი შეადგენს 200 ლარს. ასევე დაემატა დახმარებ რუსეთის მიერ განხორციელებული აგრესიის შედეგად დაჭრილ სამოქალაქო პირებზე, 200 ლარს ოდენობით, წელიწადში ერთჯერ.

პროგრამას ახორციელებს სოციალური დაცვისა და გენდერული თანასწორობის განყოფილება.

5. უსინათლოთა მატერიალური დახმარება, კომუნალური გადასახადების დასაფინანსებლად (06 03 03 06).

პროგრამის ფარგლებში ფოთში მაცხოვრებელი უსინათლო ბენეფიციარები ყოველთვიურად ფინანსდებიან 40 ლარით. 2018 წლის ბიუჯეტით ფაქტობრივი შესრულება 23 000 ლარს დაკმაყოფილდა 53 მოქალაქე.

2018 წლის ბიუჯეტით ფაქტობრივი შესრულება 23 000 ლარი.

2019 წლის ბიუჯეტით განსაზღვრულია 27 000 ლარი. 2019 წლის 6 თვეში გახარჯულია 13 500 ლარი, დაკმაყოფილებულია 59 მოქალაქე.

პროგრამას ახორციელებს სოციალური დაცვისა და გენდერული თანასწორობის განყოფილება.

6. მეორე მსოფლიო ომის მონაწილეთა, ამავე ომის მონაწილეებთან გათანაბრებულ პირთა და სხვა სახელმწიფოთა ტერიტორიული მთლიანობისთვის ბრძოლის მონაწილეთა დახმარება (06 03 03 04)

პროგრამა ითვალისწინებს ფაშიზმზე გამარჯვების (9 მაისი) აღსანიშნავად ერთჯერადად მატერიალურ დახმარებას წახალისების მიზნით. მეორე მსოფლიო ომის 1 მონაწილეს, 350 ლარს ოდენობით; მეორე მსოფლიო ომის ვეტერანთან გათანაბრებულ პირს 250 ლარი; სხვა სახელმწიფოთა ტერიტორიული მთლიანობისათვის ბრძოლის მონაწილე პირს 250 ლარი. 2019 წელს დაკმაყოფილებულია 31 ომის ვეტერანი, თანხით 7 800 ლარი.

2018 წლის ბიუჯეტით ფაქტობრივი შესრულება 7 800 ლარი. 2019 წლის ბიუჯეტით განსაზღვრულია 8 000 ლარი. 2019 წლის 6 თვეში გახარჯულია 7 200 ლარი, დაკმაყოფილდა 31 ვეტერანი.

პროგრამას ახორციელებს სოციალური დაცვისა და გენდერული თანასწორობის განყოფილება.

7. უსინათლოების მატერიალური დახმარება წნევის გამზომი ხმოვანი აპარატების შესაძენად (06 03 03 07).

პროგრამა ითვალისწინებს 40 წლის ასაკის ზემოთ უსინათლო პენსიონერთათვის 150 ლარამდე ღირებულების წნევის აპარატის გამზომი ხმოვანი აპარატების შეძენას. 2018 წელს ბიუჯეტი გამოყოფილი იქნა 1 800 ლარი. პროგრამა ამუშავდა 2018 წელს. გაცემულია 7 ცალი წნევის გამზომი ხმოვანი აპარატი, ღირებულებით 1 500 ლარი.

2018 წლის ბიუჯეტით ფაქტობრივი შესრულება 1 500 ლარი.

2019 წლის ბიუჯეტით განსაზღვრულია 1 000 ლარი.

პროგრამას ახორციელებს შპს „პსპ ფარმა“.

8. შშმ ბავშვთა დღის ცენტრის დახმარება კომუნალური გადასახადების დასაფინანსებლად (06 03 03 08).

პროგრამა ითვალისწინებს შეზღუდული შესაძლებლობის მქონე ბავშვთა დღის ცენტრის დახმარებას კომუნალური ხარჯების დასაფინანსებლად.

2018 წლის ბიუჯეტით ფაქტობრივი შესრულება 1 800 ლარი

2019 წლის ბიუჯეტით განსაზღვრულია 3 800 ლარი.

9. ახალშობილთა ოჯახების დახმარება (06 03 05).

პროგრამის მიზანია მძიმე დემოგრაფიული ფონიდან გამომდინარე ახალშობილთა ოჯახებში წახალისება. თითოეულ ოჯახზე გათვალისწინებულია ერთჯერადი დახმარება 100 ლარ ოდენობით. 2018 წელს დაკმაყოფილდა 179 ოჯახი.

2018 წლის ბიუჯეტით ფაქტობრივი შესრულება 17 900 ლარი.

2018 წლის ბიუჯეტით განსაზღვრული იყო 27 000 ლარი. 2019 წლის 6 თვეში გახარჯულია 10 500 ლარი. დაკმაყოფილდა 105 ოჯახი.

პროგრამას ახორციელებს სოციალური დაცვისა და გენდერული თანასწორობის განყოფილება.

10. მრავალშვილიანი ოჯახების ყოველთვიური დახმარება (06 04).

მწვავე დემოგრაფიული ფონიდან გამომდინარე, მუნიციპალიტეტი სიტუაციის გაუმჯობესებში მიზნით მოსახლეობას ეხმარება ყოველთვიური მატერიალური დახმარებით. მატერიალური დახმარებას იღებენ ის ოჯახები, რომლებიც ზრდიან 3 და მეტ არასრულწლოვან მოზარდს 1 წლამდე. პროგრამის მიხედვით ოჯახები დახმარებას იღებენ იმის მიხედვით, თუ რამდენ არასრულწლოვანი შვილი ჰყავთ:

- 3 შვილიან ოჯახზე ყოველთვიურად 50 ლარი;
- 4 შვილიან ოჯახზე ყოველთვიურად 100 ლარი;
- 5 შვილიან ოჯახზე ყოველთვიურად 190 ლარი;
- 6 შვილიან ოჯახზე ყოველთვიურად 220 ლარი;
- 7 შვილიან ოჯახზე ყოველთვიურად 300 ლარი;
- 8 და მეტ შვილიან ოჯახზე ყოველთვიურად 450 ლარი.

2018 წელს პროგრამით ისარგებლა 221 ბენეფიციარმა, საერთო თანხით 166 600 ლარი.

2018 წლის ბიუჯეტით ფაქტობრივი შესრულება 166 600 ლარი

2019 წლის ბიუჯეტით განსაზღვრულია 180 000 ლარი. 2019 წლის 6 თვეში გახარჯულია 91 800 ლარი. დაკმაყოფილდა 243 ოჯახი.

პროგრამას ახორციელებს სოციალური დაცვისა და გენდერული თანასწორობის განყოფილება.

11. ხუთი და მეტშვილიანი ოჯახების დახმარება (06 05).

პროგრამა მიმართულია დემოგრაფიული ფონის გაუმჯობესებისკენ და ითვალისწინებს წელიწადში ერთჯერ, 5 და მეტშვილიანი ოჯახების (რომელთაგან მინიმუმ 5 მოზარდი უნდა იყოს 17 წლამდე ასაკის) 2000 ლარით დახმარებას.

2018 წლის ბიუჯეტით ფაქტობრივი შესრულება 34 000 ლარი, დაკმაყოფილდა 17 ოჯახი.

2019 წლის ბიუჯეტით განსაზღვრულია 34 000 ლარი.

პროგრამას ახორციელებს სოციალური დაცვისა და გენდერული თანასწორობის განყოფილება.

12. განსაკუთრებული საჭიროების მქონე ავადმყოფთა და დიალიზის პროგრამაში მონაწილე ტრანსპორტირება (06 02 03).

თირკმლის უკმარისობით დაავადებული ავადმყოფები ჰემოდიალიზის პროცედურების ჩასატარებლად მიემგზავრებიან კვირაში სამჯერ ქალაქ ბათუმში, ქობულეთში, ქუთაისსა და ზუგდიდში, ქალაქში სამედიცინო მატერიალურ-ტექნიკური ბაზის არ არსებობის გამო. ამ მიზნით მგზავრობის ხარჯები მძიმე ტვირთად აწევს ავადმყოფთა ოჯახებს, რის გამოც ქალაქ ფოთის მუნიციპალიტეტი ბენეფიციარებს უწევს დახმარებას თვეში 150 ლარის ოდენობით.

2018 წელს, ადგილობრივი ბიუჯეტით გამოყოფილი იყო 45 500 ლარი და დაკმაყოფილდა 28 ბენეფიციარი.

2019 წელს, ადგილობრივი ბიუჯეტით გამოყოფილია 46 000 ლარი. 6 თვის მდგომარეობით 27 ბენეფიციარზე გაცემულია 22 900 ლარი.

2018 წლის ბიუჯეტით ფაქტობრივი შესრულება 45 500 ლარი.

2019 წლის ბიუჯეტით განსაზღვრულია 46 000 ლარით.

პროგრამას ახორციელებს სოციალური დაცვისა და გენდერული თანასწორობის განყოფილება.

13. საქალაქო ავტობუსების სუბსიდირების ხარჯები (შპს. ფოთიქალაქტრანსპორტი) (06 03 06).

პროგრამის მიზანია სოციალურად დაუცველი მოსახლეობისთვის იაფი საზოგადოებრივი სატრანსპორტო მომსახურების შეთავაზება. პროგრამის ფარგლებში ხდება შშმ ბავშვების ყოველდღიური ტრანსპორტირება სახლიდან შშმ ბავშვთა დღის ცენტრში და უკან.

2018 წლის ბიუჯეტით ფაქტობრივი შესრულება 80 000 ლარი.

2019 წლის ბიუჯეტით განსაზღვრულია 80 000 ლარი. 2019 წლის 6 თვეში გახარჯულია 33 400 ლარი.

პროგრამას ახორციელებს შპს „ფოთიქალაქტრანსპორტი.“

14. სადღესასწაულო დღეებთან დაკავშირებული დახმარებები (06 06).

პროგრამა მოიცავს გარკვეული კატეგორიის ოჯახების მატერიალურ დახმარება-წახალისებას ტრადიციულ დღესასწაულებთან, ღირსშესანიშნავ თარიღებთან დაკავშირებით. 2018 წელს, პროგრამის ბენეფიციარებს წარმოადგინეს: ქალაქის დეაწლმოსილი დამსახურებული 27 მოქალაქე, 170 დედიტ, მამითა და დედ-მამით ობოლი, 101 შეზღუდული შესაძლებლობების მქონე 16 წლამდე ასაკის მოზარდი, 90 წლისა და ზემოთ ასაკის 93 პენსიონერი, 1989 წლის 9 აპრილის მოვლენების 1 მონაწილე.

2018 წლის ადგილობრივი ბიუჯეტით გამოყოფილი იყო 33 900 ლარი. დაკმაყოფილდა 392 მოქალაქე.

2018 წლის ბიუჯეტით ფაქტობრივი შესრულება 33 900 ლარი.

2019 წლის ბიუჯეტით განსაზღვრული 51 600 ლარი. 2019 წლის 6 თვეში გახარჯულია 28 700 ლარი. დაკმაყოფილდა 256 მოქალაქე.

პროგრამას ახორციელებს სოციალური დაცვისა და გენდერული თანასწორობის განყოფილება.

ა(ა)იპ ქალაქ ფოთის მუნიციპალიტეტის სოციალური და სამედიცინო რეაბილიტაციის ცენტრი (უფასო სასადილო).

პროგრამა ითვალისწინებს სოციალურად დაუცველი მოსახლეობის ერთჯერად კვებას. 2018 წლის ბიუჯეტით ფაქტობრივი შესრულებაა 172 700 ლარი, დაკმაყოფილდა 250 ბენეფიციარი.

2019 წლის ადგილობრივი ბიუჯეტით გამოყოფილია 182 200 ლარი, 250 ბენეფიციარზე. 2019 წლის 6 თვეში გახარჯულია 76 200 ლარი, დაკმაყოფილდა 250 ბენეფიციარი.

აღნიშნული ცენტრი ასევე ახორციელებს შინ მოვლის პროგრამას (0608), რომელსაც უზრუნველყოფს შინ მოვლის განყოფილება.

განყოფილების საქმიანობა მოიცავს შეჭირვებული კატეგორიის ბენეფიციართა სამედიცინო და სოციალურ სერვისებს. ცენტრი მოსახლეობას სთავაზობდა ე. წ. „შინ მოვლის“ სერვისს, რაც გულისხმობს კვალიფიციურ სოციალურ და სამედიცინო მომსახურების მიწოდებას საცხოვრებელ ადგილზე იმ პირთათვის, რომლებიც საკუთარ თავს ვერ უვლიან. ამისთვის ბიუჯეტიდან

2018 წლის ბიუჯეტით ფაქტობრივი შესრულება 5 900 ლარი, 25 ბენეფიციარი.

2019 წლის ბიუჯეტით განსაზღვრულია 6 500 ლარი. 2019 წლის 6 თვეში გახარჯულია 4 100 ლარი, დაკმაყოფილდა 27 ბენეფიციარი.

პროგრამებს ახორციელებს ა(ა)იპ „ქალაქ ფოთის მუნიციპალიტეტის სოციალური და სამედიცინო რეაბილიტაციის ცენტრი.“

ა(ა)იპ ქალაქ ფოთის მუნიციპალიტეტის სოციალური კვლევის ცენტრი (პროგრამული კოდი 06 07).
ქვეპროგრამის ფარგლებში ხორციელდება სოციალური სერვისებით უზრუნველყოფის, შესაბამისი საჭიროების მქონე პირთა (მათ შორის ბავშვთა) პრევენციული, სარეაბილიტაციო და ალტერნატიული მომსახურების, ხანდაზმულთა და ოჯახურ მზრუნველობას მოკლებულ, სოციალურად დაუცველი და მიუსაფარ ბავშვთა ფიზიკური და სოციალური მდგომარეობის გაუმჯობესების საკითხებზე ინფორმაციის მომზადება. ცენტრი აწარმოებს მოსახლეობის ჯანმრთელობის მდგომარეობაზე სოციალური პირობების გავლენის შესწავლას, დემოგრაფიული პროცესების ინფორმაციული ბანკის შექმნას, მოსახლეობის ცხოვრების დონის და ეკონომიკური აქტივობის სტატუსის (დასაქმების, უმუშევრობის) საინფორმაციო ბანკის შექმნას, ქალაქ ფოთის მუნიციპალიტეტის მერის წარმომადგენლის მუშაობის (უბნების მიხედვით) ხელშეწყობას მათი უფლებამოსილების ფარგლებში შემავალ საკითხებთან დაკავშირებით (წარმომადგენლის მიმართვის საფუძველზე შესაბამისი ინფორმაციისა და დასკვნის მიწოდება).

დევენილთა განყოფილება

ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურში 2018 წელს გაიხსნა დევენილთა განყოფილება. როგორც მოგეხსენებათ ფოთში მოსახლეობის თითქმის 30%-ს დევენილი მოსახლეობა წარმოადგენს. მათი პრობლემების შესწავლისა და მოსახლეობის დახმარებისათვის შეიქმნა ეს განყოფილება. მისი ეფექტური მუშაობისათვის და მოსახლეობის დახმარებისათვის საჭიროებას მოითხოვს მათ მონაცემთან წვდომა. ესენია მაგალითად: მათი ფაქტიური და იურიდიული მისამართი, ოჯახის წევრების სოციალური მდგომარეობა და სხვა.

დევენილთა განყოფილების მიზანია ხელი შეუწყოს მუნიციპალიტეტის ტერიტორიაზე მცხოვრებ იძულები გადაადგილებულ პირთა - დევენილთა პრობლემების შესწავლასა და შესაბამის ღონისძიებათა გატარების თაობაზე წინადადების მომზადებას; იძულებით გადაადგილებულ პირთა, დევენილთა სოციალური და საყოფაცხოვრებო საკითხების გადაწყვეტაში დახმარების გაწევას.

ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის გამოწვევები და მიზნები

ქალაქ ფოთის მუნიციპალიტეტის ჯანმრთელობისა და სოციალური დაცვის სამსახურის მუშაობა ორიენტირებულია მოსახლეობის საჭიროებებზე ორიენტირებული პროგრამების შემუშავებაზე. მოსახლეობის საჭიროებები მრავალფეროვანი და ცვალებადია, რაც არაერთი გამოწვევის წინაშე აყენებს სამსახურს.

ქალაქ ფოთის მუნიციპალიტეტის ბიუჯეტის სოლიდური წილი იხარჯება ჯანდაცვისა და სოციალურ პროგრამებზე (საკუთარი შემოსავლების 11%-ზე მეტი), მოქმედებს 23 პროგრამა, თუმცა არსებობს პრობლემური საკითხები და საინტერესო ინიციატივები, რომელთა გადაწყვეტის შემთხვევაში უფრო მეტ დადებით ეფექტს მივიღებთ.

პროგრამათა მართვის კომპონენტების დახვეწა მუდმივი პროცესია, რომელიც სამსახურის ერთ-ერთი მთავარი ფუნქციაა. დღეს არსებული პროგრამებიდან რამოდენიმე პროგრამა კვლავ საჭიროებს მართვის კომპონენტის რევიზიას, რათა უპასუხოს ახალ რეალობას, რათქმა უნდა ეს უნდა მოხდეს მოსახლეობის ინტერესების შესაბამისად.

სამსახურის დებულების დახვეწა - სამსახური კარგად თანამშრომლობს მუნიციპალიტეტის მიერ დაფუძნებულ პროფილურ იურიდიულ პირებთან, რომლებიც მოსახლეობას ჯანდაცვის და სოციალური დაცვის პროგრამით გათვალისწინებულ სერვისებს აწვდიან, თუმცა ვფიქრობთ უკეთესი იქნება თუ მათ ექნებათ ანგარიშვალდებულება სამსახურის მიმართ, ხოლო სამსახურს ექნება ეფექტური მონიტორინგის განხორციელება. ეს გაზრდის კოორდინაციას მათ შორის, რაც მეტი ეფექტიანობას განსაზღვრავს.

მოხუცთა თავშესაფარი - ქალაქის წინაშე მოხუცთა სახლის აუცილებლობაა. ათეულობით მოხუცი ცხოვრობს მარტო, რომელთაც უჭირთ თავის მოვლა, უმძიმთ რთულ ყოფაში ცხოვრება. ეს

განსაკუთრებით „შინ მოვლის“ პროგრამის შემდეგ გამოიკვეთა, როდესაც გამოვლინდა უამრავი მარტოხელა მოხუცი.

ხანდაზმულთა დღის ცენტრი - ხანდაზმულთა დღის ცენტრის შექმნის მიზანია მარტოხელა ხანდაზმულებისთვის, რომელთაც ჯანმრთელობა უწყობთ ხელს გადაადგილდნენ- შევექმნათ სასამოვნო გარემო, სადაც ისინი გაატარებენ დღის ნაწილს. გააქტიურდება მათი სოციალური ურთიერთობები, შესაძლებელია გასართობად გააკეთონ რაიმე ხელსაქმე, მოუარონ ბაღს, წაიკითხონ წიგნები, უმასპინძლონ საინტერესო სტუმრებს და ა.შ. ამ ცენტრის განხორციელების ვალდებულება ქალაქ ფოთის მუნიციპალიტეტმა აიღო 2017 წელს შვედეთის საერთაშორისო განვითარების სააგენტოს წინაშე, რომელმაც დააფინანსა 27 სოც. მუშაკის გადამზადების კურსს. ასევე ამ ცენტრის ფუნქციონირებისთვის საჭირო ინვენტარისთვის დახმარებას შეგვპირდა შვედეთის ქალაქ ოსტამმარის მუნიციპალიტეტი.

სმენადაქვეითებულ ქალთათვის თარჯიმანი- არაერთხელ მოუმართავს ყრუმუნჯთა საზოგადოებას თარჯიმნის დაფინანსებასთან დაკავშირებით. მათ უამრავი პრობლემა ექმნებათ როგორც სამედიცინო დაწესებულებებთან, შინაგან საქმეთა ორგანოებთან და სხვა სახელმწიფო სამსახურებთან ურთიერთობისას. ასევე სმენადაქვეითებულ ქალბატონებსაც პრობლემა ექმნებათ თარჯიმნის გარეშე საზოგადოებაში ურთიერთობის.

დასაქმება - ერთერთი უმთავრესი პრობლემაა. აუცილებელია ქალაქ ფოთის მუნიციპალიტეტის მიერ ფორუმების მოწყობა ბიზნეს სექტორთან ერთად. სადაც წარმოჩინდება დასაქმების წყაროები და შესაბამისი ვაკანსიები პროფესიების მიხედვით.

თავშესაფრისა და კრიზისული ცენტრის შექმნა - დღეს მეტად აქტუალურია გენდერულ თემაზე მუშაობა, ტაბუ ედო ქალთა მიმართ ძალადობის პრობლემას, მაგრამ შედეგი ნელ-ნელა მიიწევდა წინ: მეტი შეურიგებლობა მოძალადის მიმართ, მეტი ტოლერანტობა საზოგადოების მხრიდან მსხვერპლის მიმართ, კანონი ოჯახში ძალადობის აღკვეთის, ოჯახში ძალადობის მსხვერპლთა დაცვისა და დახმარების შესახებ 2006 წელს, ცვლილებები კანონში, მათ შორის ერთ-ერთი - ბოლო ხანებში: კანონს დაემატა თავი - ადგილობრივი თვითმმართველობის ორგანოების მონაწილეობა ოჯახში ძალადობის პრევენციასა და ოჯახში ძალადობის მსხვერპლთა დაცვისა და დახმარების სფეროში. ამასთანავე - “ადგილობრივი თვითმმართველობის კოდექსს“ დაემატა ნორმა, რომლის მიხედვით განისაზღვრება ადგილობრივი თვითმმართველობის ორგანოების (მუნიციპალიტეტის) უფლებამოსილება, მონაწილეობა მიიღოს ოჯახში ძალადობის წინააღმდეგ გასატარებულ ღონისძიებებში. ოჯახში ძალადობის პრევენციისა და მსხვერპლთა დაცვის მიზნით აუცილებელია კრიზისული ცენტრის შექმნა. რაც შეეხება თავშესაფარს დღითიდღე მატულობს უსახლკართოთა რიცხვი, რომელთაც არ გააჩნიათ საცხოვრებელი . ეს კი დიდ პრობლემად აწევა ქალაქს. აუცილებელია, არა მხოლოდ ბაზის, არამედ სამომავლოდ იმაზე ფიქრი, თუ რა ღონისძიებები გავატაროთ ადამიანური პირობების შესაქმნელად და მათი უფლებების დასაცავად.

ქალაქ ფოთის მუნიციპალიტეტის ~~ჯანმრთელობისა და სოციალური დაცვის~~ სამსახურის უფროსი: **მაია მაკალათია**

